

460/12

8/49

K/34/49 M.M. Sehlo dimela

b

1/4

0-1 b

Death and burial from Sekropo's.
15. Lehu.

1

Lehu la Moraba Mathobane. Lehu le hlaxisitswe ke bolwetse a lwala a hlatsa le madi. Aowa, xa e tsebe xaeba e be e le boloi, fela rea belaela ka baka la-xore o rile xo fiwa lethsomelana ke morwedi wa xaxwe a nama a thlabexa; a nama a no botsisa ka lona lethsomela leo; le ne e be e le sefokodi a swengwa ke sekhuba xo tloxa kxale, a be a tla no phela e bile xo nabyale o be a bile a le petere; ke ra ka xore mohla a thlabexaxo o be a bile a etswa mabyalweng oa xa Kobeni, a re xo boya a nama a tsentswa soroma ke lona lethsomela leo. Ka mantsiboa ao a nama a lala a hlatsa a hlatsa le madi, xe ba re tsa xo ja se tse a dio di xana, ya dio ba moleko xo banenyana. Banenyana xe ba bona ditaba di ba tseeditse ba nama ba ya ka Rangwane a bona Jack Kumane xo yo bona moxolo wa xwe xore nna bolwetsi bo isetsa kae. Rangwane a bona o rile xe a fihla a hwetsa moxolo waxaxwe le molomo o se se xona; xa a re ke apa nae mahlo sasara-sara xa a sa kxona selo.

2

E ile ya re xola e setse e le bosixo a nama a neela moyo a nama a ile. Ke moka ke xo hwa xa xaxwe.

3

E, pele a e hwa, e be e le bana feela; byale xe ba bona ditaba di ba befela ba kitimela ka xa Mothakxosi le ka xa rangwane 'a bona. Aowa le Mothakxosi ke malome a bona. Mme bya re xo sa e sa le ka bosixo-sixo ba ya xo bitsa bo-rakxadi a bona yo ba mmit saxo Tsha-Motondi, le bo Leakalala le ba xa Sethoxa ka-moka. Le bale ba koa Makwareng bo Tshahla le bo Senaba, e batho ba ka moka ke ba leloko le tee ruri le moxolo wa banenyana ba Moraba o bile a bitswa a be a ile xo dula koa lebaka xo tla lehung la tata bona. E, motho yo a ilexo a mo lokisa botse mmele ke moratho wax xaxwe Kumane.

Ke yena yo a mo otlolotsexo maoto botse, le xo mo khupetsa mahlo xola a tonoxa. A mo rwala botse ka xore o be a le boxare bya ntlo a mo isa ka thoko ya ntlo.

4 Aowa, atsatsi bo naase xa xo sa diwa tsela tsa kxale.

Xola xale motho o be a re xe a hwile a kobiwa dikhuru tse ka selepe xore a dio kutama ka xare xa lebitla. Motho xale o be a sa phanabiswe ka lebitleng byalo ka ba mehleng yeno. Le xona o be a re xe a tsentswa ka lebitleng mohu o lebeletswa koa a tswaxo. nka xe wena ta xeno e le koa leonde xe o hwile ba tla fetlolosa molala wa xaxo ba xo lebeletsa xa na koa leonde, e, ba dira byalo xore medimo ya xeno e lale. Xe o hwile o le morui wa dikxomo o tlo re xo hwa wa hlabelwa kxomo nama ya lewa mokxopha wa phutha mohu. Le dibyana tsa xaxwe le dithoka ba mo isa lebitleng natso. Rena ka sexaxeso xe motho a hwile xa re dio lla byalo ka makwapa. Makwapa ona a name a dio lla ka letsema.

5 Xa le bone batho ba bangwe le ba bangwe ba na le mekxwa ya bona ya xo boloka bahu. Rena basotho re na le mekxwa ya rona, ya rena mekxwa xa e swane le le ya makwapa le ya Balepa. Balepa bona xe motho wa bona a e hwa pele a neela moya ba mo tsentsha mphaka, ba re a seke a hwa setu; a seke a hwa byalo ka basetse.

N.B. Balepa xe ba re Basetse ba ra Basotho.

6 Motho wa Balepa xe a hwile o phalolwa hloxo, rena Basutho ~~xe rea dumelelwa~~ xo tsena ka ntlong ya mohu xe ba setse ba dira mekxwa ya bona. Xe ba feditse xo mo phalola hloxo barutla mabyanyi a ntlo mo molomong wa ntlo mo a tsenaxo ka ntlong

xona nme ba a isa lebitleng ba fihla ba a xara mo dihloxcng tsa lebitla la xaxwe. Xo dira byalo ba re ke mo a tlo rexo xe a tsoxa bosixo a se swenye a no bona eka o tsena ka ntlong ya xaxwe ka baka la mabyanyi a a bexo ka ntlong ya xaxwe. Ka Sesotho xe motho a hwile a iswa mabitleng xo tsebiswa ba leloko ka moka, le yona kxosi e a tsebiswa xore yona e tsebise batho ba mmoto woo xore ke seilaxo xa xo somiwe.

Mabitla a hwetswa ka ntle xa motse xo dio ba le serapa sa mabitla, fela xe xo hwile monna wa dikxomo yena lebitla la xaxwe le ka dirwa ka lesakeng la dikxomo xore a se swenye batho.

7 Byalo ka Nthsabene ka lebaka la xore e be e le morui wa dikxomo lebitla la xaxwe le ka lesakeng.

Kxale banaba banyenyane ba be basa tsebe xore motho o a hwa, ba be ba no re o llwe ke phiri, bana ba re ba be ba sa tsebe ka xobane ba be ba boloka batho bosixo.

Koa mabitleng xo be xo rapelwa xore mohu yeo a seke a re tli-setsa mahloko ka xae. Ba be ba mo rapela ba mo fa le dilo tsa xaxwe ka moka bare ke tseo le re robalele, le re apele botse xana kewe le yaxo, mello e se re timele le mabele a re melele. Dilo tsa xaxwe ka moka tse a bexo a di rata kudu ba mo isetsa;
8 tsohle tse e bexo tsa xaxwe tse a bexo a di rata kudu di swanetse xore di mo latele. Le dithselete le marumo dikxosi di epelwa natso.

Batho ba ba hwetswexo ba alafiwa xore baloi ba seke ba kxona xo tla loya setopo xoba xo se utswa ngaka e swanetse xore e tle e xatlle lebitla ka moka xammoho le motse. E, ba ba llaxo xape ba swanetswe ke xo phalolwa, xe e le mosadi le yena o swanetswe ke xo kula maseka le meroka a sale a thlokofetse. E, ka lebitleng
9 xo swanetse xore xo hlokomelwe xore batho ba xo tsebe, le xore

batho ba se le xate, xomme xo thibela xo bewa ditelo dibyana tse dingwe le mafika a hlophiwa, ra ba ra byala le motloro xoba dimela tse dingwe tsa xo se hwe ka bonolo. E, xona lebitleng ke mo re rapelaxo bo makxolo xona, le xo phasa re phasa xona.

Lebitla le tee le ka bolokela batho ba babedi, xe monna xoba mosadi a ka hwa, a hwa a belaela mme dipelaelo tsa xaxwe tsa tlisa-lehu-xo ngwana wa xaxwe yo monyanyane xoba motloxlwana mme ya re xe re laola ra hwetsa e le dipelaelo tsa mohu re swanetse xo boloka ngwana eo felo xo tee le mohu.

E, xoba sellong o swanetse xore o bonale xore o a lla, o swantse xore o se sepele-sepele menyanyeng.

10. O swanetse xo hlwa ka xae, le mabyalweng kapa kae le kae xa o a swanela xo ya. E, xoba sellong ke xo kwa bohloko pelong byale xo bonthsa xore o kwa bohloko o swanetse xore a beolwa le xo apolwa dikxabisho tsa xaxwe ka moka.